

Egzekite Vizyon Majistra a pou Fanmi Boston

ENSKRI NAN BOSTON – YON SÈL GRENN ENSKRIPSYON

Majistra Martin J. Walsh ap motive edikatè ak fanmi nan Boston yo pou travay nan tèt ansanm pou ka amelyore etap enskripsyon an pou tout fanmi epi kreye yon sistèm enskripsyon ki senp, ki inifye, ki ekitab pou tout lekòl piblik.

Ak yon sèl grenn enskripsyon, tout fanmi Boston ap gen aksè pi fasil nan lekòl ki gen kalite wo nivo epi ki pi pre lakay yo. Se yon sèl grenn aplikasyon an, yon sèl grenn delè a, ak yon sèl grenn sistèm nan.

Poukisa pou nou kreye yon sèl grenn sistèm enskripsyon?

Fanmi k ap rapousuiv tout gam chwa lekòl piblik yo kounyeya gen pou pran yon etap ki gen plizyè tèt ki non sèlman genyen sistèm Baze-Lakay nan BPS la, men plizyè aplikasyon pou lekòl chatè ak tout kalite delè epi yon bann kalite machasuiv. Sa pran yon bann tan fanmi yo san bezwen. Yon sèl grenn sistèm enskripsyon an t ap:

- Kreye yon sistèm enskripsyon ki pi ekitab pou fanmi Boston, k ap asire yo gen yon bann kalite chwa lekòl piblik pou pitit yo.
- Bay fanmi yo yon wout pou enskripsyon lekòl ki klè epi ki senp nan yon sèl grenn fòm nan, yon sistèm ak yon sèl grenn delè a ki kapab la disponib sou papye osinon sou sit entènèt, epi k ap bay plis enfòmasyon sou yon bann lekòl piblik, distri ak chatè ki gen kalite wo nivo, ki la disponib pou pitit yo.
- Pèmèt plis fanmi patisipe nan kominote lekòl yo chwazi a, nan kreye sal klas ki pi estab ak katye ki pi estab.
- Ranfòse kapasite tout lekòl – distri ak chatè – nan sipòte elèv ki gen nivo bezwen ki pi wo.

Kijan Sa Ka Mache?

Yon sèl grenn sistèm enskripsyon an t ap senpman antre lekòl chatè yo nan sistèm enskripsyon Baze-Lakay ki egziste deja a pou ka bay yon sèl grenn aplikasyon ak yon sèl grenn dat limit pou tout lekòl piblik.

- Fanmi yo t ap jwenn yon sèl grenn lis pou tout lekòl chatè ki nan zòn yo a ak lekòl ki nan distri a.
- Fanmi yo t ap chwazi epi klase lekòl ki nan distri a ak lekòl chatè yo prefere yo a nan yon sèl grenn fòm aplikasyon ak yon sèl grenn delè pou yo respekte.
- Fanmi yo t ap jwenn yon plasman nan yon lekòl, ki t ap fèt ak anpil atansyon pou asire elèv ki andikape ak sila k ap aprann lang Angle yo nan bon pozisyon pou yo byen fonksyone nan sal klas ki entegre tout timoun.

Angaje Fanmi Boston pou Ka Fè Sa Byen

Nan kòz sa a Majistra Walsh mete devan nou an, li mete li klè pou nou li vle pou se kominote a ki chapante pwosede sa a. Nou planifye pou nou angaje fanmi yo ak manb kominote a nan diskisyon sa a.*

Lidè lekòl piblik yo, toulede, pa distri a ak pa chatè yo, dakò sou yon bann prensip debaz ki pou gide kreyasyon yon sèl grenn sistèm enskripsyon, men dizon pa w esansyèl pou fè travay sa a mache.

Angajman fanmi yo, edikatè, ak patnè kominotè yo se kle nan asire siksè yon sèl grenn aplikasyon, yon sèl grenn delè, ak yon sèl grenn sistèm enskripsyon inifye pou tout fanmi. Se entansyon nou pou konvoke yon seri reyinyon, atire toulede ni dizon sou sit entènèt ni dizon an pèsòn ak diskisyon anvan Komite Lekòl yo ak Komite Direksyon Lekòl Chatè yo konsidere yon pwopozisyon byen detaye.

*Tanpri souple al gade lòt bò fèy sa a pou ka konnen nan ki dat ap gen reyinyon k ap fèt tou pre w yo.

Pou aprann plis, vizite nou sou sit entènèt nan www.BostonCompact.org.

Tanpri souple vin patisipe nan yon diskisyon piblik nan katye w la, nan lekòl ou a, osinon sou sit entènèt pou ka ede nou chapante amelyorasyon sistèm enkrispyon sa a pou nou ka satisfè bezwen fanmi Boston ak bezwen lekòl yo pi byen.

Reyinyon Kominotè Boston Compact nan Vil la

Dat	Lokal	Adrès
8 Oktòb 5:30 – 8:00 pm	Sant “Kroc Center”	Adrès: 650 Dudley St, Boston, MA 02125
20 Oktòb 5:30 – 8:00 pm	Bibliyotèk “East Boston Public Library”	Adrès: 365 Bremen Street, East Boston, MA 02128
21 Oktòb 5:30-8:00p	Bibliyotèk “Mattapan Public Library”	Adrès: 1350 Blue Hill Avenue, Mattapan, MA 02126
27 Oktòb 6:30-9:00p	“Condon Community Center”	Adrès: 200 D Street, South Boston, 02127
5 Novanm 5:30 – 8:00 pm	Sant Kominotè “Grove Hall Community Center”	Adrès: 51 Geneva Ave, Boston, MA 02121
21 Novanm 6:30 – 9:00 pm	Legliz “1 st Church of Jamaica Plain”	Adrès: Nan Pwent Kafou Elliot ak South Street, nan Jamaica Plain
17 Novanm 5:30 – 8:00 pm	Klib Ti Gason ak Tifi “West End Boys and Girls Club”	Adrès: 105 Allston St, Allston, MA 02134

Anvan lontan apre sis (6) reyinyon sa yo, n ap pataje kisa nou te tande epi kisa nou fè ak kòmantè yo. Nou gen pou anonse dat la ak lè a.